

Prihatin masalah kumpulan 'curi' ahli dan buat 'silat rojak'

BERITA HARIAN, 13 March 2004, Page 22

Article also available on Microfilm Reel N1.25529

Printer-Friendly Page

# Prihatin masalah kumpulan 'curi' ahli dan buat 'silat rojak'

H. A. Rahim  
Dayan,

KEBELAKANG ini, terdapat kumpulan pencak silat yang bernaung di bawah Persekutuan Silat Singapura mengamalkan kegiatan 'mencuri' ahli.

Clementi West.

Kebanyakan ahli yang 'dicuri' adalah mereka yang kudu-kudanya sudah mantap, tetapi belum matang penghayatan ilmu silatnya.

Bermacam-macam strategi digunakan untuk menarik ahli daripada sesuatu kumpulan, umpamanya dengan menjanjikan tempat dalam pasukan kebangsaan dan mewakili negara.

Ada pula kononnya dapat memberikan ilmu silat yang lebih baik dan sebagainya.

Lebih tidak baik dalam perkembangan pencak silat di Singapura hari ini ialah adanya guru setengah matang.

Contohnya, baru sekali dua menjadi juara, sudah mengangakat dirinya menjadi guru atau jurulatih.

Mendahsyatkan lagi keadaan ialah guru yang menganggap dirinya *superman* — boleh mengajar bermacam-macam jenis pencak silat.

Ada sanggup memalsukan diri.

Kononnya, mereka sudah menguasai satu jenis ilmu silat dengan 'mendapat ijazah' daripada sesuatu kumpulan silat di luar Singapura.

Keadaan ini, jika tidak

dak dkekang dan dibendung, akan menular menjadi wabak yang tidak akan dapat dipulih kembali.

Persahabatan dan persaudaraan akan rapuh antara perguruan.

Paling buruk, ia akan merugikan masyarakat yang mencintai seni pencak silat itu sendiri.

Seni pencak silat, seperti lain-lain cabang seni, mesti dilestarikan demi generasi akan datang.

Maka itu, menjadi tanggungjawab kita semua, terutama guru-guru silat, mempertahankan keaslian gerak langkah estetika seni pencak silat yang mereka warisi daripada pendahulu mereka agar tidak dirojakkan pihak-pihak yang mencari keuntungan semata-mata.

Apa yang perlu dilakukan sekarang ialah bagi badan induk mengambil tindakan tegas terhadap kumpulan yang 'mencuri' ahli dan terhadap mereka yang membuat 'silat rojak' agar seni pencak silat terus segar, tulen dan disayangi masyarakat.

Kiranya tidak keterlaluan kalau dikatakan bahawa banyak penyelewengan berlaku ketika ini yang bersangkutan pembelajaran seni pencak silat sama ada dalam pentadbiran atau dalam penyelenggaraannya.